

INUIT ATAQATIGIIT

INATSISARTUNI



Nuuk, 24. februar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Juliane Henningsen, Inuit Ataqatigiit)

Apeqqutit:

- **Inuit nunanit allanit nunasillutik tikeqqammersut inuiaqatigiinnut akuunerulersinneqarnissaat anguniarlugu kulturikkut, oqaatsitigut inooqatigiinermullu aqqtissiuussinissamik innersuussiffiusumik maleruagassiornissamik Nalakkersuisut pilersaaruteqarnerlutik?**

Tungavilersuut:

Maleruagassiornissap siunertara inuit nunanit allanit nunasillutik tikeqqeqammersut Nunatsinni kulturikkut, oqaatsitigut inooqatigiinnikkullu pingaartitat, naleqartitat ileqqusullu tungavigalugit inuiaqatigiinni naliigiissumik akuunerulertinneqarnissaata anguniarneqarnissaa.

Anguniagaasariaqarpoq nunamit allamit nunasisoq Nunatsinni innuttaasut allat assigalugit inuiaqatigiinni peqataasinnaalernissaa innuttaaqatigilikkaminullu akulerunneruermigut piginnaasani nukittuffinilu atorluarlugit inuiaqatigiinnik inerisaaqataasinnaanerulernissaa toqqissisimallunilu Nunatsinni inooqataalersinnaanera.

Maleruagassani ersarissarneqassaaq nunasisup nunagilikkamini nammineerluni inuiaqatigiinnut akuulernissani akisussaaffigigaa inuiaqatigiilli avatangiisaasut aamma akuulersitsiniarnermi peqataanissamut pisussaaffeqarnerat ersersinneqassalluni.

Maleruagassiornissami aamma siunertaavoq Nunatsinni innuttaasut, oqartussaasut, suliffeqarfiit, suliniaqatigiiffiit, kattuffiit, peqatigiiffiit il.il nunasisut kiffaanngissusaat ataqqillugu akuunerulertitsiniarnermut peqataanerat siuarsarneqassasoq.

Maleruagassat tungavigissavaat inuiaqatigiinnut akuunerulertitsineq illugiimmik ataqatigiinnikkut pissasoq - Nunatsinni naleqartitat, pingaartitat, kulturi, oqaatsit, ileqqut il.il pingaarnertut toqqammavigalugit.

Nunasisunik akuunerulertitsinissamut maleruagassiornissaq susassaqtunik, oqartussaaffinnik soqutigisaqatigiinnillu arlalissuarnik kalluaasusaaq naak suliassaagaluartoq annertoq, tamanna saneqqukkuminaassaaq nunani allamiut Nunatsinnut nunasisartut amerliartornerat pissutaalluni.